



Inatsisartuni ilaasortaq Peter Olsen, Inuit Ataqtigiit

Akissut e-mail-ikkut uunga: inatsisartut@inatsisartut.gl

**Akissuteqaat § 37 naapertorlugu apeqquteqaatinut Qeqertarsuarmi
sisoraatinik majuartaatip innaallagissamik pilersorneqarnera pillugu**

06-03-2019
Sagsnr. 2019 - 560

Inatsisartut suleriaasianni § 37, imm. 1 naapertorlugu Naalakkersuisunut
apeqquteqaateqarputit Qeqertarsuarmi sisoraatinik majuartaatip innaallagissamik
pilersorneqarnera pillugu. Apeqqutitit uannut akisassanngortinneqarput,
akissutikkalu ataani atuarsinnaavatit.

Postboks 1601
3900 Nuuk
Tlf. (+299) 34 50 00
E-mail: isiin@nanoq.gl
www.naalakkersuisut.gl

1. **Qeqertarsuarmi sisoraatinik majuartaatip tungaanut innaallagissap
aqqutissaanik Naalakkersuisut pilersitsinissaminnik
pilersaaruteqarnerpat imaluunniit soqutiginnippat?**
 - a. **Aappiuppat tamanna qaqugu pilersinneqarsinnaava?**
 - a. **b. Naamiuppat tamanna sumit peqquteqarpa?**

Apeqqummut siullermut akissut:

Nukissiorfiit pilersaaruteqanngillat Qeqertarsuarmi sisoraatinik majuartaatip
innaallagissamik pilersorneqarneranut aningaasaliissuteqarnissamut.
Nalinginnaasumik ileqquusut naapertorlugit sullitat ataasiakkaat namminneq
pilersitsinermut aningaasartuutit akilertussaavaat, tak. Nukissiorfiit niuernermut
sullissinermullu atatillugu piumasaqaataat.

2. **Qeqertarsuarmi angerlarsimaffiit ukioq kaajallallugu imermik
pilersorneqarsinnaasut qassiuppat?**
 - a. **Taakkunanga angerlarsimaffiit qassit ukioq kaajallullugu
erngup aqquataanut attavilerneqarsimappat?**

Apeqqutit aappaannut akissut:

Qeqertarsuarmi illut tamarmik piffissami matumani imermik imigassamik
minguitsumik ukioq kaajallallugu pilersorneqartarput. Inoqutigiit Qeqertarsuarmi
610-nik amerlassuseqarput, taakkunangalu inoqutigiit 273 -it erngup
aqqutaasigut imermik pilersorneqartuupput, inoqutigiillu 134-it biili imertaat
atorlugu pilersorneqarlutik. Inoqutigiit sinneruttut 203-it imminnut imermik
imertartarfinniit pilersortuupput.

Nukissiorfiit niuernermut sullissinermullu atatillugu piumasaqaataat naapertorlugit sullitat nammineq erngup aqqutaanut pingaarnermut attavilernissartik akilertartussaavaat. Nukissiorfiit inassutigaaat attaviliisarneq imermut naqitsinermik atortoqarluni siaruarterneqartartumut, erngup pitsaassusissaa pissarsiariumallugu ingerlaavartumillu pilersuisoqarnissaa angujumallugu.

3. Angerlarsimaffiit ukioq kaajallallugu erngup aqqutaanut attavilersinneqarsimangitsut attaveqalersinniarlugit Naalakkersuisut qanoq pilersaaruteqarpat?

Apeqqutit pingajuannut akissut:


Nukissiorfiit ingerlaavartumik sulissutigisarpaat illoqarfinni aamma nunaqarfinni erngup aqqutaata pitsanngorsarneqarnissaa. Naalakkersuinikkut anguniagaavoq erngup naqitsineq iluaqutigalugu pilersuinermi atorneqartup pitsanngorsarnissaa Nukissiuuteqarnikkut imermillu pilersuinikkut immikkoortumut pilersaarut naapertorlugu. Taamaattumik Nukissiorfiit sulissutigaaat sullitanut ajornanginnerulersinniarlugu erngup naqitsineq atorlugit ingerlaartinneqartup pissarsiarineqarsinnaanera. Erngup naqitsineq iluaqutigalugu ingerlaartinneqartup siaruarterneqarnera ingerlanneqarpoq aningaasaliissutissanut periarfissarititaasut iluanni, aammalu imermik naqitsineq iluaqutigalugu siaruarterneqartumik pisariaqartitsineq tunngavigalugu.

4. Angerlarsimaffiit amerlanerpaartaasa erngup aqqutaanut attaveqalersimanissaat qaqugu pisinnaasoq Naalakkersusut naatsersuutigaat?

Apeqqutit sisamaannut akissut:

Apeqqummut 3-mut akissut takuuk.

Inussiarnersumik inuulluaqqusillunga
Med venlig hilsen



Aqqalu Jerimiassen